

Si beiden sich des vliessen
her vñ biscof cristan
Swaz was deme clostere gut getan
vñ gerne si daz taten
Wille stift wart wol beraten
Van der kunigin alisen
Wir liz des nicht loysen
hern muste daz closter richen
vñ armüt ime intrwichen
Du daz closter du gnug gewan
Du gedachte der reinte man
willehalm her wolte schaffen
Daz da were mer pfaffen
Di sungen vñ lesen
vñ da solte ein appet wesen
Den si ein meist hizen vñ tete vñ lize
Swaz di regele seite
Nicht lengir her du beite
her schuf zu hant daz iz geschach
Iz muste sin swaz her sprach
her richte daz leben rechte
Den mōnch mit deme knechte
her sprach biscof cristan
Ich wil uch des nicht ir lan
Iren muzet hi ein appet sin
Bider heren gehorsam sin
Wil ich uch gebiten daz
wan vns kümet nimā baz
Du sprach der biscof cristan
Gint ich mich ir geben han
Gote zu sine dinste her
so wil ich nicht wesen der
Der zu bricht daz gebot
Ich han mich dorcht den sizen got
hohir eren gar ir geben
Der samenūge wil ich pflegen
So ich allir beste kan
Der markis hup vrolichen an
Te deu laudamus
Daz iz ist ir gangen sus

vns in kan nu nicht gewetren
Gint wir han einen herre
vil reimen vñ vil wisen
her kan vns wol gewisen
Daz cinet wol gotes ere
volge wir siner lere
Nu was vil dikke eine
Der getruwe vñ di vil reime
Da kyburg begraben was
manige vigilie her ir las
vñ anders gute salme
Gor larte willehalme
Daz her tete swaz ime gezam
Ein leidez mere her vñ nam
Dar van trurig wart sin myt
Daz man dem clostere nam sin gut
Daz was sine leit vñ vngemach
Daz so dicke daz geschach
Di mōnche mütiz alle
Mit manigeme uemen valle
Vb di rōbere si vaten
Di en den schaden tate
Nu wart eins tages en genomē
Di spise di en solte kōmen
vilt he wīn vñ brot
Wir liggen schire hūgers tot
wil man vns so di spise nemen
Meister kan uch des gecemen
Daz ir mir daz ir lobent
Di vns sovbele rōbent
Ob ich si des kūne r buren
Daz iz wote van en vmiten